



在加

長樂部
振錄西
請字書

元史載白雲先生行實

朱子

書

海日

元順帝至元三年冬十月金華處士許謙卒初謙聞

仁山金履祥講道蘭江上委已而學焉履祥曰士之

為學若五味之任和醯鹽既和則酸鹹頗異子來見

我已三日而猶夫人也豈吾之學無以感發於子耶

謙聞之惕然時履祥年七十而謙年三十有一矣履

祥嘗告之曰吾儒之學理一而分殊理不患其不一

所難者分殊耳謙由是致其辨於分之殊而要其歸

於理之一又曰聖人之道中而已矣謙由是事事求

夫中者而用之履祥既歿謙益肆充闡多所自得自

子賢

一

八
謂吾非有大過人惟為學之功無間斷耳謙制行甚嚴而所以應世者不膠於古不流於俗介而不僑通而不隨身在草萊而心存當世素志冲淡以道自樂浙東憲府聞謙名而不察其志辟以為掾避弗就肅政廉訪使劉公庭直舉茂才異等副使趙公宏偉舉遺逸亦皆固辭趙宏偉在南臺命除舍館迎致謙將使衆僚多士有所矜式謙欣然為之起而不久留也謙既東還以目青倦於應接屏迹入華山中學者翕然籛糧笥書而從居再歲以兄子喪而歸戶屨尤多遠而幽冀齊魯近而荆揚吳越皆百舍重趼而至謙

之教以五性人倫為本以開明心術變化氣質為先以為已為立心之要以分辨義利為處事之制至誠諄悉內外殫盡嘗曰已或有知使人亦知之豈不快哉或有所問難而辭不能自達則為之言其所欲言而解其所惑討論講貫終日無倦攝其粗疎入於密微聞者方傾耳聽受而其出愈直切情者作之銳者抑之拘者開之放者約之為學者師垂四十年著錄迨千餘人隨其才分咸有所得達官富人之子望聞而驕氣自消踐庭而禮容自飭四方之士以不及門為恥縉紳先生至於是邦必即其家存問焉謙素多

疾先是金履祥病革徒步往省之會大雪中寒濕及奔兄璟喪於廣信病增劇不良於行疾少間而神更清茂至是疾復作謂其子元曰伯兄以是月二十三卒我殆死與之同日乎及是日正衣冠而坐戒元以孝於母友於弟元復請所欲言謙曰吾平日訓爾多矣至此復何言門人朱震亨進曰先生視稍偏矣謙更肅容端視頃之視微瞑遂卒年六十八門人以義制服者若干人因其自號題其墓曰白雲先生謙字益之所著有讀四書叢說二十卷詩名物鈔八卷讀書傳叢說六卷觀史治忽幾微若干卷皆行于世後

謚曰文懿

聖

義烏黃氏潛曰聖賢不作師道以廢逮二程子起而倡理學以淑諸人朱子又溯流窮源折衷群言而統一由是師道大備文定何公基既得文公朱子之傳於其高弟文肅黃公幹而文憲王公柏於文定則師友之文安金公履祥又學於文憲而及登文定之門者也三先生發人學者推原統緒必以三先生為朱子之傳適文懿許公出於三先生之鄉克任其承傳之重三先生之學卒以大顯于世然則程子之道得朱子

大

而復明朱子之心至許公而益尊文懿許公之
功大矣

許白雲先生文集目錄

卷之一

四言古詩

白鳥六首 有序

鬱松贈陶思齊任通波驛長

松澗

五言古詩

王申伯和此詩不會予意其言甚悲余心少
之又作以終其說

上李照磨四首

目錄



酬潘明之

贈禽演周梅鼎

觀水

寺中有蔣身卿索詩即席贈

題曹提領湘靈廟聞樂見燈詩卷

遣興十首

送蕭仲堅隨伯兄赴江陰三首

次韻

次韻木冰

次韻景文杭州見寄四首

贈金月華

贈江行父四首

送高經歷八首

孔衍聖幼年能書大字以女妻之

趙天樂見示所著詩歌因賦短句奉贈

遊山二首有序

贈穎川趙璉十六首有序

送李榮甫知事遷淮西三首

送姜君澤赴浦江縣教

牧牛圖

孔濤巨源携八世祖中丞擊蛇槐笏求詩

酬石抹州判六首

送何雲巖

石門洞

思遠樓

華蓋山

中州龍翔興慶寺

暮過東津館

遊鍾山至八公德水

酬胡古愚三首

題蔣廟

舟中雜興五首

釣臺詩并序

送胡秋白衢州學正

送敬叅政

山中次韻酬馬生

採藥

贈相士蔣竹山

城東南有虎群行有司命獵者捕其二以獻

三首

種松
對竹

寄友人

用潘明之韻贈陶思齊

又用韻遣興

遊里城栖霞寺衆將遷書塾

蔣聲父和前韻後衆不果遷再用韻

酬吳正傳

五言律詩

莫春郊外

遯山先生挽詩

遊智者寺

贈開雲屋

戲題智者法師所浴瓶

次韻潘明之見勉之作

蕭兄臨行索詩即席賦贈

次韻丘巨道三首

金先生挽辭二首

鄭夫人挽辭

已酉余年四十

花溪道中

浦川方仲觀入城從學繼入公門今歸侍親

求詩

秋夜

過太湖

偕璉城南晚望

七言古詩

次韻鄭性之遊多寶寺

題延月樓

酬潘明之

聞潘明之來錢塘因何先生行聊用寄懷

題金月華藥物火候二圖

贈滕玄一

再贈江行父有序

酬趙玉相併寄意方存雅

遊龍回寺碧雲堂有何無適草書

次韻方存雅登八詠樓感舊

立秋日寄趙璉

題趙氏復壻詩卷

送方存雅遊永嘉

墳

送諸暨俞州判

馮公嶺

題姑蘇臺

雨花臺

春城晚步分我字

友人招飲榴花下

七言律詩

送焦達夫

贈王斗山

謝趙肅甫遺著

次韻潘明之易巾

三月十五夜登迎華觀

青田大鶴洞

放棹行

自飛霞觀登積穀山

自江心回復遊西山

西山萬象亭

故宮

九月十七日登清涼寺翠微亭故址

春夜次韻二首

送余之問赴烏臺

次韻子昭

次韻王中齋登拱翠樓詩

秋暮有懷

次韻王景元春莫

寄許克勤

七言絕句

即席用蘇世賢韻送郭子昭

社日

哭空谷師

次韻潘明之秋思

舟中贈璉

過西湖

夜過黃泥渡

卷之二

賦

擬古戰場賦

序

贈李仲謙序

送胡古愚序

送郭子昭序

送林中川序

送尉彦明赴開化教諭序

送許克勤赴新昌教序

送遂公平赴武義教序

記

故朝列大夫婺州路總管府治中致仕朱公

壙記

行狀

總管黑軍石抹公行狀

卷之三

啓

治書侍御史趙公行述

答潘明之啓

上憲使劉約齋啓

回潘縣尉啓

賀趙松澗除行臺治書啓

賀蕭北野萬戶破賊啓有序

文

復張子長文

代副使趙公祭扎忽解平章
代副使趙公祭王仁卿中丞
祭朱治中文

書

上宋經歷書

上李照磨書

荅胡正傳書

上劉約齋書

回南臺都事趙鵬南况點書傳書

與趙伯器書

卷之四

代人上書補儒吏

論

學校論

朋黨論

雍姬論

說

夾谷可與字說

姚原魯字說

雜著

跋潘明之所藏吾丘衍書素書

跋陳君采家藏東坡墨蹟

跋妙沙經

回南臺都事鄭鵬南浼點書傳書

跋趙閒閒註心經

書菴贊為石抹執中作

北野兀者贊

李齊賢真贊

題趙仲明神

趙昌甫詩卷

答或人問

七政疑

八華講義

題節婦朱氏詩卷

詞

次韻潘明之祝英臺

蝶戀花

附錄

學箴

甲戌仲春宗林据明成化刻本校於津沽之頤園時年六十有七

許白雲先生文集卷之一

四言古詩

白鳥甲辰六月十一日

僕屏居陋巷一旦棟撓讀鷓鴣二章而有感
因賦白鳥以自况

有白斯鳥生于林聿稜稜骨格翬翬羽毛母兮天方
匪鷓伊鷓含哺忘恃哀鳴磬磬

磬磬哀鳴遷于壤木豈無好逌敦彼獨宿渴飲而泉
飢咏而粟聊樂我負亦曷云足

飄風自南霖雨既淫嶙峋斷山拔龍興海吟墮卵覆巢

翅

林莫我深翹翕罔舉口禁若瘖
熒熒明星上麗于漢泛泛行舟亦達于岸維此好鳥

所止泮渙控地決飛鷦鷯斥鷃

兮爾

鴻鴈在渚鵲鷦在原物以群分維性是便小鳴雖雖
爾懷急難無昏遠矣今實其然

朝陽爰飛夕月戾止嗟彼燕雀厥志焉擬何天之衢
側目萬里扶搖一冲時之俟矣

鬱松贈陶思齊任通波驛長

鬱鬱喬松在彼中林斲之龍斲之以椽以楹我材既良
胡寧靡成日居月諸亦迭而逝謀猶孔臧庶拔斯萃

奮然于懷耿耿寤寐泛彼栢舟集于西河征夫遑遑
予取予求爾言毋暴我心則休遙遙道途跬步斯舉
悠悠天衢始振其羽聿其問津雲漢之渚

松澗頌趙治書自號

挺挺長松色正氣雄風雨霜露無能動容直幹摩空
雲中之龍冷冷幽澗泉流石粲甘則可掬寒不可玩
孰云在山為江為漢維松之貞倚澗之清維德維用
相頌以成君子似之克彰厥名豈維棟梁苓珀千歲
豈維澄源潤物平施盡其大全始出乎類秉心塞淵
有緝其光本源之盛枝派乃長子孫繩繩既壽且昌

五言古詩

王申伯和此詩不會予意其言甚悲余心少之
又作以終其說

壽夭齊彭殤逍遙等鵬鷖
心靈理未融役役空曠眩
得志鄙榘題窮簷樂原憲
道在體自胖奚必萬間羨
天地一穹廬何適非所便
廓然居安宅怡然觀物幻
老聃亦達人以身為大患
誰謂杜陵翁乃有茅屋嘆

上李照磨四首

道原出於天合變無終窮
群經載道器言異理則同
民生有物則所要求厥中
先幾在知止實踐乃聖功

心廣體自胖萬象皆春融
寧為四寸學坐想成玄空

濂溪振遺響伊洛探玄旨
龜山載道南江漢隔萬里
乾淳號鄒魯三子森鼎峙
皇圖啓昌運寰海共文軌
得人道乃弘古今無不尔
殊途固同歸遐邇均一視

中原清淑氣世代生偉人
伯陽孔子師千載今雲孫
窮經入閩奧探道提綱綸
襟懷洒秋月論議開愚昏
大材古難用暫屈寧久伸
要當推所學利澤均斯民
東南互鄉子古道昔所慕
悠悠三十年所向皆謬誤
私淑得碩師引發使自趨
鞭繩屢提掣遠道迷蹇步
緬懷天下士一覩快披霧
振衣登公堂隅坐視朝暮

酬潘明之

鴻鵠凌青霄燕雀巢白屋凌霄志寥廓巢屋亦云足
故人眇天涯歲月如轉燭昔為交手歡今成斷腸曲
嵩華日以高江漢日以卑道異謀不同何日傷別離
書成情未盡路遠夢更迷相思溪水頭猶如送君時

贈禽演周梅鼎

星翁術多岐禽學出最晚舊云南陽公格物明萬變
天經環隙維隱見易昏旦大化運甄陶衆彙埽冶鍛
人生園烝中安能外長筭周生儒家流心學理已貫
羅縷角與根捷若緒抽繭謂我四十年始悔終且顯

侯

我生逢百憂子語堪一莞聖賢不言命言命固已淺
富貴安可求有義當自勉子今方壯年所志在高遠
挾此任所之侯門有青眼

觀水

江源可濫觴萬里會流派海鉅莫能量有容德乃大

寺中有蔣身卿索詩即席贈

豫章吟悲風古刹響哀梵空谷厭劫塵涅槃成一洗
平生友于情一夕嗟夢幻升堂哭遺像退坐起長嘆
誰歟身卿翁儒雅閭里冠屢出文字語聊復解悲惋
對床聽風雨咄咄夜達旦月落雞三號誰歌白石爛

題曹提領湘靈廟聞樂見燈詩卷

重華陟遐方馬斃車折軸娥英失所天往殉行且哭
聲凝衡山雲泪染湘江竹夫君不可見異穴嘆同穀
廟食三千年境土惠徼福事久竟忘哀幻化驚耳目
音響鈞天和光景清夜燭曹公駭聞見三月食忘肉
簫韶久已絕豈假湘靈續誰能寫新聲如彼涓在濮
尚憶開元君能傳羽衣曲

遣興十首

光景何匆匆志意空曼曼百年能幾滿歲月倏將半
起坐夜嚮晨何由夢公旦中流樹砥石湍激從汗漫

未

不迴南楚轅徒起北門嘆

秋日常苦短秋夜不可闌葉鳴迅風晚虫怨零露寒
月白天炯炯振衣起盤桓山川出浮滓翳彼明不完
幽興中道絕百感來無端何當誅豐隆致身無羽翰
清光亦何私不照方寸丹

互得

少年學老農旦暮言耘耔種深本難拔冀力生易滋
良苗勿堰長惡草煩芟夷天時且豐歉人事更扶持
功備待日至厚斂非所期豈必務廣德地力窮鋤基
惜哉無負郭稼穡寧不知
猗猗澧有蘭馥馥沅有芷獵獵石上蒲泛泛水中菱

鮮鮮三徑菊旖旎百畹蕙采掇集衆芳粲爛成雜佩
佩服何所從將以待君子

東家有處子二十不踰閨婉婉聽姆言將欲備四德
錦機織回文字古人莫識蘭麝熏衣裳閨闈謹容飾
良人仰終身寧不慎所適膏沐豈為人自脩女子職
蓬生衆麻中不扶能自直寒窓效蠹鑽孤陋寡聞識
古來貴尚友萬善在熏炙古人不可見今人豈易得
千載遙相思空使我心惻相思令人瘦相思令人老
人瘦尚可肥老大徒自悲
淵明千載人聲聲瑚璉器世醉不可醒杯杓聊卒歲

蠅

高風起廉隅終古誰足岐聖人道中庸用舍由禮義
甘心事麴蘖沈湎祗自穢樂生亦知言名教有樂地
拾金復擲金爭如鉏不顧子魚惡能廉強制情已露
向非迫畏友晝攫亦何懼平生有心事狼籍見遲莫
經德安可回所履在平素

春風榮衆芳秋露悴百草羲和策日月急疾兩飛鳥
枯桑號天風俛仰波浩渺氣流物隨化金石不自保
人生寄蜉蝣時邁胡不老天地有終窮微眇何足道
乾坤無停運清氣日夜生人居覆載間所息能不萌
握機養天和持守如捧盈得喪固有命寵辱何足驚

一身磐石重萬鍾浮雲輕丈夫有志願誰謂吾無成
送蕭仲堅隨伯兄赴江陰

朔風集飛霰歲月倏云已芸芸萬物機亦各復根抵
胡為北征鴈一舉成千里澄川稻梁肥雲水渺難淡
靜集鳴相和允為得所止

紫陽有遺書秘啓天地根描摸失真趣議論徒紆紆
仁翁繼的緒夢奠嗟不存皋比淑至道與子昔屢聞
要在足目到言語何足云

交際須得人市道亦何益張陳古英士豈不重金石
一為利所移德怨易旦夕輔仁可無友獨學終固僻

唯應鮑叔賢俛仰嘆陳迹

次韻

丙午

朔風漠沙白瘴日越荔丹出門萬里道爭似二頃田
拜塵素所薄知命復何言鄙夫競聲利石火寒無烟
清風桐江水捷徑終南山丈夫時用舍所貴無泚顏
得喪固一瞬芳臭俱百年坦途有覆轍窮哭誰復憐
乾坤渺無際我身蠹其間浩氣貫元化漸著豈不關
見可乃合道行險祇自淺平生作霖志詎肯懷土安
風雲有嘉會時至容何難君看激海鵬振翮青霄端

次韻木冰

五月

晴

堯甸九載水高郊七年晴災祥氣所致治世何重輕
方春時始和嘉樹條垂冰霰飛集杞柳兩溜凝松楮
脩銀奮龍爪圓玉剝蛟精恠招越大吠寒起巴猿憎
交薄粲精瑩眯目一色盈虛牝激爽籟木杪琳琅聲
上天命靡諶怨咨非由人餘寒自凝沍生意中敷榮
殷雷發丙夜群蟄豈不伸渾淪幹大化竅妙未易明
允矣理昭昭誰歟視昏昏元元繼無息乃見天地心
運行烝適迺變見成稜氛幻芒職木正歷日甫及旬
聖人體天道尚德不尚刑木冰紀麟筆竹帛垂魯庭
王正今再書徵古聊慰心咎獲集天衢秉令如雷霆

句

幹

仁風動六合趨走星火奔支離可攘臂暖日脂車輪
東郊滿芳草載驅適我情胸中勿芥蒂官府如冰清

次韻景文杭州見寄

窮通豈人為有命在彼蒼索居際良會晴日消寒霜
內求德乃備粹玉先光芒古友安可尚千載空相望
茂陵智哲翁多欲不自知少君與五利荒誕夫何疑
大藥可立成篤信猶兒癡屢失求愈切至今人嗤
神方苟可得我輩何憚為

我生逢不辰知學况遲暮猥器抱諛聞達者肯一顧
榆陰得先覺知我乃有素冠佩叅翺翔鞭策多警悟

諛

昔

孤山友寒梅清質不受污遺我長相思誠以夙夜故
久交竟不忘相勗言愈苦自憐春絮狂風雨漬泥土
自卑志易荒勇鼓氣乃倍富貴倘固有鼎味終染指
蓋棺事方定禍福可預計譬彼陰陽流屈伸理相繼
豈不為身謀風波有危事安能鑿二窟詭道收薛貴

三

贈金月華

歲丁亢偏陽祆魃肆大厲不雨更八旬赤地且千里
卧龍樂寒淵雷電駟不起泉枯土山焦地墳名木死
願茲咫尺苗秀實何所恃豈惟生怨咨溝壑有老稚
月華探道窟陽雨能力致從人預為期膏澤應時至

賜

人心與禾稼蘇息兆生意胡為天瓢慳長風捲晴霽
願君再作霖歲事斯可濟

贈江行父

有朋遠方來傾蓋語已契紛紛燕雀間聽此孤鶴唳
中局湛淵水窺測渺無際接人氣雖和自律言頗厲
為言君子交相與期晚歲珠玉生光輝願我形頗穢

愈

康莊多風塵窮巷絕車轍慷慨感前脩探索心屢竭
干將鼓洪鑪不化凡冶鐵泰山萬仞高企足藉丘垤
意長時苦短回首暮光滅
海為百川歸流派各有源清濁豈不異皆可觀其瀾

嘯

威儀動三千意象非一端要知霄壤隔乃在毫釐間
畢公勤小物垂訓古不刊

子抱經濟具我有丘壑情半生猶滔滔兩鬢俄星星
林間十畝地坐笑觀枯榮白雲與流水無心誰能爭
君看岐路多執轡慎勿輕奮策當坦途毋使侵榛荆

送高經歷

清風振千古警省懦與頑犖犖柱石器盍置廊廟間
江南山水窟適意聊盤桓故園松柏思轅駕孰可攀
鳳池有所待驥足那得閒
世南行秘書孝先五經笥上下千載間網羅無遺事

菊

高談驚座客揮塵發精義困泉浩晝夜混混達源委
鯁生時摳衣一見心已醉

畏驄

芙蓉泛綠水優游東海瀕天風一披拂七郡涵餘芬
行人思總馬辟易清路塵魑魅凜秋霜民物熙陽春
其棠有佳蔭雙檜長輪囷

所

膺門賢可登融座客常滿文章有小技揚善棄師短
何地不生材文木雜櫟散免為爨下薪匠石曾一莞
匪謂成棟梁時人已青眼

少年苦跋涉中歲頗悅道秋霜苗未實播根恨不早
乾坤渺無際至理日探討蒙頭媿種種義娥復佻巧

義

不

誰能分刀圭使我長長老

積

昔年黃叔度量若干頃
一時英俊人那敢輕牛醫
終南多隱士捷徑肆罔欺
承積亦高識至今人所嗤
君子病無能何患不已知

寸

簡珠混泥沙賢否未易別
緬懷貞白姿飾外祇自潔
蹄涔生十波一勺固已竭
燕石擅美名和璧正遠絕
每聆許與辭媿汗幾耳熱
網紀需碩材曹掾非冗食
胡為鄉校選乃及山林迹
蠅營非素願蝟縮已成癖
南州徐孺子不愛公府辟
亦感際會恩終身以為德

容

孔衍聖幼年能書大字以女妻之

玉樹生階庭英材挺天秀
九齡書大字學業日已富
東床有妙選嘉耦聖人冒
洙泗後淵源力積乃能究
勉哉南宮客白日不可又

趙天樂見示所著詩歌因賦短句奉贈

神人栖三山嘘吸備六氣
表裏冰雪清欬唾珠玉瑞
先生天下士逸氣欲蓋世
糠粃玄端衣珍重紫霞帔
手扶雲漢章道啓天地秘
喬期眇何許心遠神與會
脫畧塵俗語寧識烟火味
大篇富而溫短什清且麗
瞥見眼為明三復心已醉
大道貴玄默名教資論議

立

損之至無為左言無乃累緬懷赤松遊泉石形夢寐
窮巷守環堵扣戶時問字直欲外形軀烟嵐挹空翠
至寶勿發揚固塞歸一致胡為尚嘒嘒彛典敢無畏

遊山二首

九月十八日訪疎寮于盤溪偕趙肅夫及其
子璉何仲英先行遊山策蹇馬迨及拜北山
遺像夜宴座中揚舜舉善滑稽與遊山應酬
不倦夜半羅蘭似醉歸

辭

霜風搖疎林木葉翳荒徑烟開山色明日出天宇淨
行同二三友緩步入幽巖亦有童冠從彷彿春服盛

行

後期策駕駘蹇足心還潯峰回路幾折脫轡逢石磴
主人雅敬客一笑出相迎門庭對虛廓狗畧壓澄瑩
緬懷百年人嘉遯樂天命盤溪異莘野王帛謝三聘
升堂拜遺像生氣凜可敬睥睨神欲交鑽仰心不競
猶餘滿案書鉛槧精考訂昌哉賢子孫對客且涵泳
須臾肆華筵列坐以齒定肴核豐豆籩魚肉富盤飴
勸酬逾十觴壘滿餅肯罄劇談屢絕倒隱語若磬應
醉客騎馬閑夜久奎已正鋪床對窓月樹近影交映
見聞絕置塵夢境亦清興曉起還看雲此樂殊未竟
穎川趙璉從予遊逾二載復同夜坐草亭考索

莞響鋪

理義始至大辛亥十月癸未至皇慶壬子五月
癸丑而止誦講之餘時相與步武庭中倚樹凝
立仰觀俯察莫匪佳趣間以所見輯成韻語得
十餘篇於理之行書以贈之

明星懸樹端白月在戶外坐覺群響空默與萬象對
化流滿寥廓境寂得清粹涼風颯然來動物各有態
人涵天地心此意有誰會

鴻鴈西南翔清叫哀夜月長風吹羽翰日短影孤滅
美人眇天涯音書中道絕欲成新合歡豈願長契闊
有力日可追有志山可移所思勿棄置亦有相逢時

自中

北風吹庭樹顏色日慘烈豈必驗枝條根株意寧絕
粲然作春榮所養在消歇苟非終夜存膏晷火隨滅
風霜門外多爐炭室中暖欣此清夜永任彼寒日短
浮塵日憧憧五色紛過眼靜極樂則生窮陰見剛反
雨來鳴四簷擊折聲忽五捲書成燕坐繼燭且晤語
誰能理枕衾聊復議今古彼哉心不存清響乃愁緒
寒梅五樹花粲粲仙子魂昆吾切玉刀鏤刻無纖痕
潔脩最所敬况復揚清芬窮陰塞宇宙微陽挹孤根
群林正僵立生氣獨若神後塵殿兒女朱紫何紛紜
勁草居疾風下偃非可倫人能我則效尋丈徒云云

赫

浚深及寒泉圓甃涵老瓦泓然出清泠脩綆木巽下
未能極其冽聊亦濟九夏滌泥窮根源引汲復誰捨
角尾備龍形奎參陳虎迹玄龜東矯首赤鳥南奮翼
垣墻限異居列守各有職昏晦明冬夜肅烈乃夏日
紛張若無序四向皆拱極錯綜固萬殊至理本歸一
朔風厲中宵洒牖聲瑟瑟推簾有竒觀上下銀一色
秉燭處虛簷呈巧猶六出春回日未多到地亦瑞物
鏤玉不受塵貞質天下白願言潔其身視此以為雪
營營晝陰遶膏火繼不足研磨豈苟苟厭此春漏促
發端未終竟落日亦已速更宜坐須臾無負數寸燭

敢

晨雞催我眠春鳥呼我起無端促更籌酣寢非所喜
古道迷荆榛本來直如矢剪除須累工寧可旦夕俟
百草生階庭蕪穢苦不治紛拏亂人思日夕事嫗薙
或云勿剪除交翠總生意物具理即存觀者安能泥
苟能探中和所在達源委

晨

好鳥鳴春林出入百如意人能脫早汗卓爾忘物累
盤錯雖紛紛百慮歸一致萬變攻我心所秉元有義
宵漏四十餘疾急不可駐役夫昧昏夜戍柝迷夙莫
商頌歌悠揚未足發歸趣竹徑流疎螢蕉葉瀉清露
唧唧遠雞鳴蟬聲無乃誤

得

雲行竟太虛，雨溉下土豈惟稻。與梁餘潤及，草莽一物失沾濡。厥施猶未溥，大鈞陶萬彙。寧復問爾汝，用之盡吾仁。先後宜有序。

美材非不多，礪斷有所待。爾生能清淑，如白可受采。靈明瑩照夜，汗滓波翻海。精探復力脩，歲月德可改。罔念固作狂，勉勉敬與怠。

朋從固有道，聚散亦有期。不遠千里來，荏冉踰再暮。豈惟窮訓誥，亦復語顯微。愛子量可容，愧我無所施。大達雖九達，捷徑嫌多歧。剛明履中正，君子貴自持。我亦觀爾成，豈忍言別離。尚須勤寄書，慰我旦暮思。

送李榮甫知事遷淮西三首

長松生岡陵，質與風木異。春和猶凜然，况處風霜地。塵埃飛六月，豈足為我穢。一雨洗蒼蒼，凌空氣尤厲。峩峩惠文冠，所任在鷹擊。立仗或不鳴，首尾較得失。民風已澆漓，得情良可惻。尚須一分寬，但勿踰限闕。淮水出桐柏，浙江發東陽。期會至滄海，千里遙相望。源澄挽不濁，水德固可量。願將此清泠，溥施彼一方。

送姜君澤赴浦江縣教

儒生解明經，地芥拾青紫。今古不同途，進取頗殊軌。尚餘庠序師，亦藉文學士。彬彬渭川人，自誠聊復尔。

時猶困積薪世乃收苦李浦陽隔山雲相望踰百里
首宿富朝盤芹藻動秋水振鐸揚教聲衿佩若歸市
買骨天馬來寧假終日俟倘遇玄英翁問訊今何似

牧牛圖

木葉紅欲落野草青未枯健犢起跳浪脫桎行江隅
牧人善防閑為擇牧與葛毋牛徐掉尾啾姬鳴相呼
阿童得所托靜中樂華胥豈惟置蓑笠乾坤一蘧藤
苟能物付物拱默湛如愚

孔濤巨源携八世祖中丞擊蛇棍笏求詩

茫茫宇宙間一氣陶成彙流行有天常偏駁乃為珍

方

惟人萬物靈順正補其弊所以致中和能使天地位
中州際明時和氣興善治偏成或湮鬱逖彼西北裔
神人糶雜居詛盟成蠱媚恠虺據琳宮奔走傳詭異
潔牲祀朝夕牧守率群吏孔公聖人胄天質抱剛毅
直養氣已充平素有集義憐彼鰥人愚惡此醜物屬
抽笏奮而前一擊首隨碎壯心發陽剛排斥陰險類
諒茲咫尺簡寧比劔戟利敬存勝百邪妖孽何所避
遂能格君心蹇蹇居諫議君家愛其棠什襲傳八世
豈惟子孫珍觀者咸起畏勿徒寶此傳肖德惟尚志

酬石抹州判

白雲集卷一

熊耳在長源達河入于海滔滔窮晝夜浩浩潤千載
游滓泥不行感嘆歲月改洒然見清泠流派知有在
舉目泰華高足疲苦難到剛毅久不渝白刃斯可蹈
君能握要機一蹴已深造振衣千仞高何適非笑傲
核中自懷仁日夕長根幹扶疎茂枝條本一末盈萬
一葉異顏色元氣已不貫是中毫釐差遽尔生死判
簣虧不成山敬勉何敢玩

大道固如矢多歧亦生疑登天雖無階累土當有基
得才為我才所貴不自欺茫茫萬里途脫轡空驚馳
黔黎多昏蚩無情尚竒詭片言未易直前角後或猗

倚

紛拏雖百端折衷固有理彼有虞芮田荒蕪白雲裏
平生鑄干將未得歐冶訣春臘形粗成一割刃已缺
安得百鍊剛發硯光電徹就君乞刀圭為我點凡鐵

送何雲燾

采采泮水芹握手同遊遨重来二十年相對嗟二毛
丈夫當自強豈肯埋蓬蒿子今誠壯遊快楫乘飛濤
神州集英俊諒亦容吾曹良璞宜待價日夕慎所操
是耿耿自晦不可韜飲子白玉卮左手持蟹螯
天風吹黃鶴佇聽鳴九臯

石門洞

終

清溪護連山，雙壁鎖幽洞。初登憂徑險，小入喜境空。
木落猿猱驚，叢草禽鳥弄。磴行幾盤折，彷彿天籟動。
倚霧蒼崖何空碧，仰睇石流潼。分張山巖輕，翕聚魯縞重。
變化能萬千，故地風雷閔。粵從混沌鑿，天造景已貢。
仙靈擅虛寂，絨閔未忍送賢哉。康樂翁為洗塵俗，夢
胡為百年後樂與來者共。我來屬久晴，泉瀉澁如凍。
巖氣噴林薄，睇目作寒霰。舟子招我行，風疾纜欲縱。
後期當何時，坐對玉蟬竦。

老

思遠樓

玄樓矗城端，簷影墮水涯。憑闌對堤草，鳴櫓飛浪花。

火 通

舊聞會昌湖，一望十里賒。藩籬孰定地，相入如犬牙。
河間尋文波，僅可通行艦。芙蓉已銷落，寒水浮枯葭。
佳景不及遠，興思重咨嗟。夫人各有思，所異正與邪。
潮汐蕩瀉薄，鄭衛生淫哇。君子善發慮，身通心則遐。
徘徊興未已，古木啼昏鴉。

華蓋山

群山如斗形，華蓋氣獨壯。奮身地勢高，目極天宇曠。
周回萬象澄，一一來獻狀。中江漾孤嶼，瀕海橫疊障。
樓臺市中居，棋列相背向。烈風攪蒼林，落日鳴白浪。
塵氣薄浮雲，溟濛杳東望。長濠浸寒水，短楫起漁唱。

抱

同遊豈特達竟爾忘得喪山下出蒙泉夷坐待清漲
一掬襟懷空自謂羲皇上

中川龍翔興慶寺

孤嶼浮中川晝夜汨潮汐何年地維裂中斷洲渚失
兩峰峙東西蔽影互朝夕浮屠據稜層梵宇絢金碧
飛龍迫風雷曾此一憇息昔時控桓居今作大士室
了師擇靈地為假蛟鼉窟聚沙合舊港連亘如片石
山扉夜無關神物便入出亂流携故老一一訪陳迹
軒亭倚葭葦濤浪倚几席豫章號棲風篠蕩翳寒日
憑高慨今古天海相蕩激景在人易非悠悠意何極

暮過東津館

薄暮下東津灘急舟劇箭漁燈互明滅隴月時隱見
清颼從東來涼氣襲我面目送兩山青天長淨如練

遊鍾山至八公德水

悠悠鍾山雲朝夕碍我目褰衣試一徃行與雲相逐
駟馬出東門十里至山麓幽人昔已亡誰能繼芳躅
猿鶴乘古林鼯鼯嘯深木彼哉西方人胡為擅斯谷
豈云事幽棲政爾眩華屋泓泉抱何德濁熱供一沃
巖回屐欲倦小憇倚脩竹涼颼自披襟佳興亦云足

棄故

功

酬胡古愚三首

白雲集卷一

扁舟下吳會來看鍾山雲文名久籍籍千里期遇君
笑談屢款暱所見副所聞襟懷秋水淨氣宇春日溫
試看一鶚舉肯與凡鳥群瀛洲豈為遠薄言采其芹
乾坤自闔闢文章乃經緯郁郁稱宗周趨下日以弊
風氣有淳漓恒性固無異盡心全此天言語亦餘事
脩辭擬盤詰微理猶恐泥羨君嗜古學搗筆發清麗
源浚流且長唐虞力能致
秋風迫歸燕宵露泫衰草我留清溪曲君望雙溪道
會合已恨遲睽離奚遽早論心議千古何時一傾倒
為我謝白雲猿鶴故應好

題蔣廟

乾坤孕群象形鉅氣乃異蒼龍蟠良維雲雨為物利
因神姓此山依馮兩相濟豈惟托幽靈固亦秉忠義
死分在一時廟食終百世英風久愈彰邦邑共徵惠
豐碑樹松陰圓蘚護新翠已吹帽節來此宜小憇
山光倚空碧取與秋色對黃花雖未多聊復成一醉

舟中雜興

冉冉江上蘆離離路傍草霜露侵衣裳何用涉遠道
鴻鴈方有序孤飛任林表豈不顧其群長風翻難矯
琥珀能拾芥頑鐵亦戀磁人生志氣合寧獨不似茲

道義固可久世情終易移感應理有常君看雲雨施
寸心諒匪石懼彼不我知

共

亭亭嶺上雲玄鶴相與飛俛啄戀故巢不得從雲歸
秋風颺黃葉飄飄各何之籛糧事遠遊在昔聞斷機
栖鳥辭茂林徘徊更依違悠悠兩江水其此明月輝
崑崙萬仞高我欲遊其巔有道固坦蕩茅塞誰使然
駕車審中路力策宜可前子今行幾何進退日月旋
上可顧八表手援咫尺天實理乃真見彷彿誠虛言
嵐烟紫崔嵬波光滉漭星宿懸虛蓬雲雨暗逸漿
震澤高氣深雄風駕濤浪白鷗與蒼鴈來往同歎蕩

吳潮海門闊飛雪噴秋響重重越山迎汨汨溪流上
舟行歷旬日佳景閱萬狀孤征抱結思所感動悽愴
安得同心人詠歌共清賞

釣臺詩并序

子陵先生抱超世絕俗之姿糠粃世事視萬
乘如一介富貴尚安能淫之乎侯司徒乃欲
日暮自屈語言誠癡語也雖與之素舊豈足
窺其際哉知先生者光武一人耳三聘而起
論道故舊言不及政自儼巢父以明素心光
武固怏怏不能終屈先生則遂其志矣世之

去下有其字

論者謂先生以風節自高而厲當世愚未嘗不以為過也若是則有為而為之耳夫天之賦於人者有分自聖人能全其天下是則以其得數之多寡而成性雖問學漸磨去泰甚猶不能反於全先生得天之清淳澹泊而成性者也鱗潛深因鳳鳴高岡安其所遇紛紛游塵誠不足以挽之不然則光武賢君也少與共學以光武知先生之明先生豈不知光武之可與有為乎以賢人之招而不屈可與有為而不為是矯世立名者豈先生之心哉

在庭俊乂各司其局可以守成際時清明足遂高蹈羊裘耕釣樂我天真奚必以汨汨以易所性所以縱言不屈率意放禮正欲示不臣之意也至於廉勵漢末興起節義固其高風有以動之此則仁人利益後世自然之效非先生素期其如此也某嘗七過釣臺之下而不獲登皇慶二年十月六日歸自金陵始獲瞻先生之像於堂因追論先生之志而系以詩

盜莽絕炎運雲焰燭方熾英雄各懷忠韜匿有所遲

真人一呼間風雲浩無際浮埃掃妖孽盤石奠神器
先生淡無欲耕釣聊避地俯首千仞岡一莞群士戲
故人正九五樂與共天位棟梁及梓楠堂構亦粗備
龍遊白雲鄉美豢寧受繫事君當盡禮豈不熟茲義
胡為夜牀足加腹罔敬忌羊裘有何樂若是志乃遂
高節全一時善利自百世桐江眇舊遊山水貯清氣
升堂挹餘風塵心等蟬蛻

送胡秋白衢州學正

東陽有佳士簪盍鍾山下變文擣風雲論事共樽俎
為言諸孫行二妙皆作者有懷不可見情若江流瀉

今此逢少君秋月澄霽野儒術久不振屏棄如土苴
泮林雖儲材臧棘亂梧擯固當距諛行扶植歸大雅
太末古名邦生才今豈寡善性水同趨範模待良冶

送敬叅政

太行亘中州上有千丈松稜稜歲寒節豈惟動春風
力可回萬牛材大古所庸為國作柱石屹屹扶棟隆
秋霜凜清寒忽化作霖雨悠悠潮嶺間草木得其所
上天仁萬物寧獨覆西土旦夕均四方雲行施此普
環堵陳簞瓢頗亦礪清節皇皇駟馬車時委窮巷轍
動渠義方教誤立門外雪一旦冀北空報德惟自潔

四

旂旄樹朔風祖道車百兩衆賓對膺舟帆舉纜已放
今宵使星出耿耿魁柄上鵬翼若垂雲楚天眇西望

山中次韻酬馬生

學道如登途進進不可止轍迹每多歧驅策宜審是
古來為己學不怨人不以理義丈夫心聲利兒女喜
賦質雖人殊秉彝固天啓發蒙自得師乃可聞義從
時時受提命旦旦易聽視不見確雞冠亦有犁牛子
所以先覺言取友尚論世老魚怯龍門終在萬壑底
平生若臨川無楫莫知濟知濟謬悠身俯仰祇自愧
馬生勲業胃所稟當有異青春且努力白日不足恃

雄

予

要須積厚風堪負大鵬翅我來為山色涉澗漱發齒
歸休旬日間頗奪塵俗氣胡為浪驚喜松下擁車騎
此中無捷徑寧以是心至學士希聖賢如晦後晴霽
顧子方望洋渺焉莫窺際摘埴難索途因親宜慎始

採藥

亭亭北山松宿靄蔭深碧蒼根走虬龍巨幹盤鐵石
平生棟梁具不受霜雪厄兔絲得所附裊裊掛千尺
流脂入九地千歲化琥珀我欲拔其英俯仰費搜摘
紅爐轉丹砂石髓變金液但恐茫昧間圖驥不可索
意長時苦促變鬢日夜白刀圭或可試習習在兩腋

肪

蓬萊三萬里詎謂弱水隔他時來山中故老應不識
贈相士蔣竹山

我昔河內家舊有知人名遺書滿天下誰能得其精
蔣叟從何來自托老門生知我三十年少晦今當明
燕頷侯萬里鳶肩列蓬瀛世無貧賤人安別貴與榮
我分已無聞子言良可驚何以贈子歸妙論不在形

城東南有虎群行有司命獵者捕其二以獻

陰風曠晴空群虎不畏逐豈惟牛與羊亦有山婦哭
昨日當道行今作机上肉群兇未盡去何以慰荼毒
長林肉醉後怒目方負隅何人奮強弩一矢糜其軀

關

舊聞裴將軍日斃三十餘何如弘農郡負子不待驅
市人何喧喧縛虎入門閭前驅挾弓矢炳蔚尚光彩
操刀競屠割童稚亦稱快平生百步威狼籍今何在
世事無不然聞者足以戒

種松

青松如秧針植在山之蹊豈惟娛心目歲寒以為期
未飽雨露恩那識棟梁姿蓬蒿塞三徑埋沒誰復知
秋風隕百草秀色不少衰雖然咫尺根已見佳種奇
君看二十年腰大數十圍雪霜挺堅操雲漢擎高枝
時有白鶴來凡鳥那堪棲兔絲與凌霄冉冉相附依

青松本貞固不逐衆物移大器固晚成何用嫌莫遲
願言堅汝節勉待歲時

對竹

主人樹脩竹近在桃李場賦性雖不同相友庸何傷
陽春破桃李紅白爭低昂無言自成蹊相媚色與香
何心伴幽獨徒引蝶蜂忙此君心本虛寧逐春風狂
咄嗟挑與李開落那能常林間有寒梅可與傲雪霜

寄友人

丹鳳止高岡衆鳥并戢羽昂昂九臯鶴下上得所附
江南竹實多朝陽自軒翥延頸戛然鳴四顧失其侶

豈不念相從天闊無處所鳳兮歸何時恥與鴻雀伍
主人厭城市愛此林泉居下有石一拳上有松數株
念茲冷淡物可伴憔悴軀所期在晚節俯仰足與娛
我心不可轉比石堅有餘峯頭問長松歲寒知何如
用潘明之韻贈陶思齊

黃花狎秋霜正色凌寒柯淵明千載士風流今幾何
雲仍踵芳躅餘子不足多老魚在澗谷尺水無巨波
遠游有壯志拂劍鍾山阿何當快翱翔為子擊筑歌

又用韻遣興

秋山撼虛林秋水揚素波緩衣踞蟠石怡眇庭樹柯

方景良可惜去日亦已多天寒道路遠柰此西髻何
興來勿引酒醉飲空悲歌丈夫有志適慷慨捫太阿
遊里城栖霞寺衆將遷書塾

世途眩聲利俵俵畢昏曉平生嗜岑寂夙昔事幽討
東書扣禪扃問字來鳥道豈期猿鶴驚可厭鼯鼯嘯
避險辭窮林搜竒得遠島巖巒互起伏郭郭若環抱
泉深源乃長山靜色更好路窮佳境出入遠塵跡掃
木杪棲莫霞雲根被秋草梵宮消歇餘別室結構巧
道人謂余言寡聞非所寶我忻得所止彼此尚奚校
本心若困水澄湛勿敢抗既放豈易求惟靜乃能保

撓

耳目各有官外亂中必擾所接絕紛華高明且可造
至虛養吾全有動中其要學在謹操存寧復蘊神妙
此山如有待履齒今始到歸來二三子不樂空自悼
蔣聲父和前韻後衆不果遷再用韻

山虛風擅秋林靜露涵曉樓居樂清淨簡冊肆探討
豈云尚幽棲盍亦庶聞道楚然空谷音為發蘇門嘯
黃花成久要紛披樹烟島落英入齒頰清風溢襟抱
石間清芳泉可使顏色好南山有峙人閉戶獨却掃
中車招我來雲邊更瑤草我將飛佩遊誰構如簧巧
爭誇魏有珠不悟楚無寶子與昔尚友從事犯不校

漬

中弄

一勺覆易空千頃濁難撓是中存幾何胡乃不自保
潤澤普沾濡小草自膠擾君看擊海鵬霄壤隨所造
車中有幾馬御者握機要事如握得環闔用皆妙
願茲天衢遙非可一蹴到甚矣猶自欺卑哉亦堪悼

酬吳正傳

激江揚清波秀氣產佳士學優言更卑神峻志無俟
求道本五經尚友論千禩文詞珠玉價璀璨光燄起
焉能遂倒瀾抱璞良有俟咸韶亂桑濮盆盎喜壘洗
大道無晦明斯人有臧否乾坤幹元化晝夜川逝水
總總散萬殊昭昭歸一揆巨細含分差毫釐辨疑似

幹

烏

是中有卓然可變非至理從容適中和極樂非可以
要須齊足目豈必務口耳真積乃有功兩馬却成軌
某也獨何人佔畢聊復爾眈眈謬黑白前却昧所止
輕塵栖弱羽簸蕩天萬里日莫途且長心遠迹自邇
佳篇出壯語三復興愧恥古人吝許可名實貴相擬
汝南月旦評一言定非是願茲藐末材譽論何過侈
神交居匪遙千里如一跬意篤故不忘時能致雙鯉

五言律詩

莫春郊外

行行多勝事石竇澗流泉白鳥浮雲外青山落日邊

風平花委地野迥草連天春事成牢落人生一夢然
遊山先生挽詩

天假文章手家傳道義心錦標雲外夢紫綬日邊音
玉樹留春色茸棠鎖暮陰曾分上池水遺愛在人心
遊智者寺

風日景颼颼松陰繫紫騮白雲千載寺黃葉四山秋
地勝樓臺接林深虎豹遊人生自可樂此外復何求
梁朝舊蘭若雄據北山南衲子分諸榻詩翁老一龕登臺
生遠興引酒縱清談更有黃冠叟玄玄得共參
趙中泉

贈閑雲屋

聰明大顛老儒行墨其名傳道千燈續論文四座驚
雲和虛室白山與此心清禪味真堪悅何煩酒更傾

戲題智者法師所浴瓶

玻璃瓶也

膽瓶容七尺恍惚事非真至道元無相法身那有塵
擊牙知是妄題木即為神此老如堪起予言試一詢
次韻潘明之見勉之作

道邇師何在才疎學未傳白駒空永日華髮已流年
彭澤陶元亮南山孟浩然行藏無芥蒂秋水碧虛烟

蕭兄臨行索詩即席賦贈

相逢嗟久別歸路復匆匆我愧今原憲君非舊阿蒙

山風驚落木江日數飛鴻舟颺西流水明朝定向東

次韻丘巨道

善人不可見弊帚直千金往聖困源在遺經旨趣深
青燈供夜讀黃卷對朝吟至道非難致危微在此心
久懷聲籍甚千里致雙魚官路終推轂親闈且著書
才名賈太傅文學馬相如轍迹東循海何時適我閭
汲汲時能幾蘧蘧夢未醒自憐頭染白誰解眼垂青
心事沾泥絮生涯逐浪萍何人可私淑諸老漸凋零

金先生挽辭

德粹身常潤時艱志莫舒治安曾獻策私淑幸遺書

方寸涵千古襟懷湛太虛哲人今已矣吾道竟何如
統緒傳朱子困源繼魯翁誨人沛時雨對客藹春風
志立脩身本誠存作聖功遺言猶在耳一慟閱幽宮

鄭夫人挽辭

早歲勤蘋藻中年賦栢舟諸孫昌義族一子祔靈丘
貞德晴空日浮生逝水漚白楊湍虛墓風動葉颼颼
已酉余年四十

白髮三千丈青春四十年兩牙搖欲落雙膝痺如攣
強仕非時彥無聞愧昔賢自期終見惡未忍捨遺編

花溪道中

板橋橫古渡村野帶平林野鴨寒塘靜山禽晚樹深
雨微風栗烈雲暗雪侵尋安道門前水清遊豈獨吟
天寒道路遠此去復何求適意真為樂浮生底用憂
雲容低野樹風力逆溪流喜見梅花笑相迎傍驛樓
浦川方仲觀入城從學繼入公門今歸侍親求詩
百里來為學遠親半載餘莫雲飛故里秋露浥行車
紅葉蟬聲老黃花鴈影踈漢朝尊吏事何必業詩書

秋夜

己酉

月落牕仍暗燈殘卷未收家人催杼柚穉子問更籌
冷露垂擗夜淒風樹怯秋百年一瞬目萬慮幾搔頭

專

汨

志大空懷璧交疎少斷金半生成白首十載對青衿
朝市灰心久山林托興深紅塵多汨沒清夜幾沉吟

過太湖

周廻萬水入遠近數州環南極疑無地西浮直際山
三江歸海表一徑界河間白浪秋風疾漁舟意尚閒
偕理城南晚望

落日山川迥淒風鼓角收故携童冠出來傍女墻遊
橋柱鰲頭起沙汀燕尾流雲烟孤寺塔燈火萬家樓
荒草仍嘶馬微湍莫載舟目存皆絕景心遠豈窮幽
北顧思皇起南瞻憶忱侯會須擊刁斗踏月竟歸休

七言古詩

次韻鄭性之遊多寶寺

瞿曇雪山身幾年智慧兩足言因緣東周伯陽談道
 德鈞竒探隱文五千江源濫暢委成海溉灌凡土流
 潺湲名山佳水占幾盡金碧突兀凌霞烟元和貞士
 掃糠粃生辰月界箕斗纏口箱吭扼氣莫吐退則賣
 後行跋前天文將喪鵬乃賦唐風竟靡鳳不翮北山
 雲仍嗜墳典時被羽服還逃禪寶山多寶信有得徐
 卿唱和佳篇連空雲悠悠露山迥片石鑿鑿分泉涓
 畸人見詩思涉地雜指蠅紙相縈纏浮生每嘆虛過

觴九

躔

困

隙因學未足追逝川卧遊倏歎盡裨海長嘯白眼瞻
 青天

題延月樓

崦嵫稅駕紅塵息玉鏡飛空天地白婵娟先得何處
 多齊雲翬翬高百尺清光無私照寰海舉頭千里明
 長在主人欲擅四時秋夜夜掀簾為延待人生見月
 幾圓缺今昔人殊同此月人迷夢覺月晦明終古相
 磨寧暫歇倚闌清嘯酒莫遲銅壺催曉輪易歇

酬潘明之在嘉興來招

華亭谷深紫烟濕老鶴唳空眼垂碧功名千歲衣染

東下有相字

墨遼陽骨換今幾日華表時來語消息九臯胎化頂
未丹海門雲冷高飛難嘎然長鳴飲清湍何當天風
吹羽翰方壺圓嶠同盤桓

聞潘明之來錢塘因何先生行聊用寄懷 丁未

君不見絳侯木強尸相位問以錢穀莫知對挈提綱
維振領要語言訥訥時稱治又不見弘羊平準容均
輸秋毫析判供主需當年英氣亦蓋世遺名身後今
何如君方小試居管庫褰衣始躡青雲路謹司出納
人難能談笑麾之有餘裕斧斤刀鋸各有執梓人中
立一指顧道傍腐鼠鳴鴟鴞原土荒叢走狐兔蠅頭

上

微腥任逐逐石峻泉清豈能汙仕優為學心更勤五
車文字晨莫親置身道義中尚友古天民志昂跡濡
滯獨鶴游雞群湖光可人春事早六橋風暖多芳草
馬蹄此日復追遊日際白雲天尚杳輒憑故人問音
信努力加餐為君道

題金月華藥物火候二圖

道涵萬物窮古今冲虛無象那可尋得之於心應於
手大地可使成黃金陰符立言始三百伯陽繼踵明
至蹟千篇萬論從此興直指真機二三策汞鉛龍虎
皆假類道妙先天本非器兔魚未得藉荃蹄圖上豈

荃

堪真索驥赤城山人探天根微辭奧旨將淑人兩圖
先後互體用守中謂可存元神西南地暖生紫芝陽
精夜夜臨虛危相時發機奪天巧太阿凜凜宜堅持
自昔聞之將脫屣遽置彝倫恐非義羨君參透此玄
關片言已泄師傅秘須信天涯歧路多三千六百爭
相訛

贈滕玄一

庚戌

玄珠恍惚生秋水善守谷神寧不死虛中抱一求諸
已道不遠人應自適負笈擔簦空萬里先生年來鬢
已斑對客時復談九還刀圭謂可回朱顏行滕纏足

在

環塵闌神仙豈必居三山

再贈江行父

予少多艱晚始知學獲登金仁翁先生之門
雖諄諄提耳而資稟凡下放心莫開年來多
病志氣衰落無復世慮迥然有山林遁迹之
興當代君子人自為學求其趨同意合者蓋
鮮行父此來言論數日令人聳然豈惟趨同
意合起我衰落之志氣者多矣緬想先師潛
然出涕故於行父之行再歌以贈之仲兄進
脩精恪可以想見其人亦以此為贄行父過

蘭江遇舊友吳正傳試一歌之正傳其為我
有感

春風吹林兮集衆芳英華發兮朝生光元氣浩博兮
不可控博觀有迹兮求無端八荒無垠兮同此天水
之涘兮山之巔貫金石兮遊魚鳶楫操舟兮輪行車
事有幹兮物有初沂流尋源兮合大同頑堅蘊璧兮
琢與礪蘭皋幽人兮芙蓉衣擗扶闌茸兮握要機交
撞互擊兮聲琅琅為我起舞兮毛髮張望吾師兮白
雲鄉人其逝兮涕泗滂有美人兮在天方羽翼短兮
途路長胡不念我兮歌斷腸

吳正傳印

長樂郡
振錄西
諸君本

酬趙玉相併寄意方存雅

趙玉相印

羸坑尺簡飛劫塵升堂絲竹故可温前脩垂

訓淑後

昆歲月幾何浩無垠四列三條肇崑崙斬絕枝葉求

本根勿縱老眼迷紛紜榮觀燕處靜為君灌溉方寸

融陽春操觚染翰如有神洪流出峽萬里奔采掇奇

巧務掇文惟勤割穫慵耕耘茶蓼未薈空倉困浦陽

山人嗜典墳絕利應可求一源高談驚座雄波翻作

詩來為洗睡昏字字圓潔磨瑤琨平居却掃自掩門

夜對燈火朝清曠未契妙理泥語言雛鶴心遠身鷄

群四十已矣真無聞羨君仁理有隱淪清時尚復魚

里

渭濱文詞落筆四千鈞直與元氣相吐吞我鄉諸老
名日湮歸然獨覩靈光存如川趨海知所尊北顧每
隔長山雲我有蘭艾沐且熏何時一辨志可伸憑君
為我言殷勤

雲下有堂字

遊龍回寺碧雲有何無適草書

蒼鱗作霖回壑裏竟化長門飛不起何年老僧飛錫
來強架檐楹萬山底碧雲石梯如登天俯視竹樹行
其巔巖巖起伏呈怪狀壯若群馬奔吾前何仙仙去
不復返滿壁龍蛇驚醉眼可憐一半委塗泥况復貼
危混苔蘚山翁摸榻妙入神永和繭紙且逼真勸君

勿辭一日力為我留為百世珍君不見二王舊帖皆
殘編至今不惜千金傳

次韻方存雅登八詠樓感舊

惑

巧智相資外馳驚內婚為感黃金注靈明汗滓互翕

張地厚天高幾易處紫陽麗澤輝一時浙源遠合江

東婺回視八表掃粃糠昭融千載披雲霧直從頷下

得明珠驪龍睡困那能護鞭笞鸞鶴仙已歸步武室

堂人亦去先生問道舊典刑筆下縱橫五花吐山林

嘉邈名自隨富貴浮塵行所素摘辭欲短子建牆博

物猶窮陸機疏來凭玄暢恍舊遊慨憶前題誰贊助

聞

新

平生喜識龐德公况復長哦落霞句已降既見傾蓋
親何用咨嗟歲年莫簡編疑缺浩千萬憑藉先知為
温故微辭正欲辨白馬古調寧惟聽朱鷺嶽嶽小徑
勿敢遊且向康莊問人路

立秋日寄趙理

蘭皋慘碧烟萋萋徘徊不忍竟與魔欲窮目力望江
水江風故挾雙舟飛歸來復對呶呶者思才俯首西
窓下廡中駿足逐春風執策臨之盡凡馬拂硯挑燈
披竹素朝昏總是懷人處有時獨倚南面樓不見冥
鴻北征路

題趙氏復墳詩卷

山岡擇地尋牛眠北山鑿石椁已堅百年丘隴豈易
保子孫為主須親賢眩人無父那知義族屬昏愚罔
同利大明疑有玉為魚祗樹何辭金布地聞孫投牒
情農傷青氈既復氣乃揚羨門荆棘為剪伐宰上拱
木重生光吁嗟長陵一杯土竟消骨化今何所寒食
誰將飯一盂枯柏蕭蕭泣愁雨

送方存雅遊永嘉

吳公父任永嘉文學約與同
往未幾公父歿今自為此行

思遠樓前會昌湖花開十里紅芙蓉香消色盡水痕
落秋氣颯爽涵冰壺巨鰲戴山兩岐出中江屹立雙

浮屠潮聲來往撞晝夜惴惴不敢鳴鐘魚鴈峯南北
挿雲漢千尺亂削青珊瑚靈巖怪壑山鬼秘木屐齒
弊終迷途二蕩靈運所未見

先生卧遊亦已久目擊自勝遙披圖片宮博士舊膠
漆待瓜未熟行與俱絕絃掛劍歲月改春風夢遠意
竟孤竭來清興復未罷束書負笈爰載驅永嘉奧學
有祖述伊洛餘澤猶沾濡水心百年仰文獻心齋一
世稱範模詞章問學各有得耿耿輩出今豈無搜羅
人物覽世槩收拾佳趣歸奚奴平生遠游有志願局
束不得為君徒待君相載珠玉富敬誦想像聊為娛

送諸暨俞州判

北風蕭蕭吹江蘆清霜載道冰在鬚奚奴束書催上
車政成卷旆歸京都暨陽眇處天一隅里閭凋瘵煩
爬梳負戈攘臂衆暴寡探囊祛篋爭捐軀天民秉彜
同好德帶牛端為飢寒驅倅州寬惠別淑慝瘴惡豈
必連妻孥甘棠蔽芾有餘蔭百里寧謚無援桴存心
忠孝本天性為政固與常人殊壽昌自樂歸河中希
文隱憂居江湖白雲舍近畢至願青霄路迥寧躊躇
前年螟旱遍八區一夫不獲今豈無願君易地盡仁
愛返淳敦俗需吾儒

馮公嶺

層巒疊嶂危相倚，亂若飄風湧秋水。寒松荒草間蒼黃，照眼崢嶸三十里。初如井底觀空虛，一峯巍然中獨尊。縈回百折至絕頂，俯視衆嶺來兒孫。人言此山插霄漢，馬不容鞭僕夫嘆攀援。何異蜀道難，氣竭神疲背流汗。熟視徐行路，覺平心寬意適步更輕。志須預定自遠到，世事豈得終無成。我來正值窮冬月，倚杖巖前嚼松雪。午店烟生野飯香，陽坡日近梅花發。寄語悠悠行路人，乾坤設險君勿嗔。胷中芥蒂未盡去，須信坦道多荆榛。

題姑蘇臺

姑蘇城上姑蘇臺，青山百里娥眉開。平郊如掌思清遠，昔人樂極曾生哀。大讐未復敵不死，壯志消磨侈心起。會稽捷甲功自多，種蠱深謀誠未已。不知佳冶能傾國，莫莫朝朝醉春色。勳臣扶眼視東門，越女還為越人得。只今興廢總成空，惟餘碧草搖淒風。可憐千古臺前水，不洗當年甬東恥。

兩華臺

大江斷後誰絕前，右踞蒼虎龍左蟠。英雄角逐三百載，庭花玉樹歌聲殘。王氣消磨城郭改，荒村古木棲

寒烟我来两月不出戶登臺始覺天宇寬城中樓觀
在井底環視百里皆峯巒烈風拔樹雲蔽野飛電霹
靂駢蜿蜒虛亭坐視河海湧平地立見波濤翻天開
翳掃群響息空翠削出滁和山陰陽雲雨反覆手向
來喜懼誠無端興亡世事亦如此俯仰千歲湏臾間

春城晚步分我字

紅樓鼓歇烏輪墮淺水橫舟弄漁火春風生草雉堞
青隨處軟茵供小坐斷烟飛鳥入杳冥關市行人競
么麼溪城斗大無遠趣目礙雲山深瑣瑣驛駟騁駕
路或迷蜩鶯搶枋非左歸同三子歌考槃茫茫宇

懷

宙誰知我

友人招飲榴花下

猗風惡雨消餘春春歸到處成清陰萬枝濃綠幻春
色絳葩丹蕊俄森森祝融行部過九地誤縱炬火燒
園林艷粧炙日色更好泠泠著雨紅尤深浩歌相對
作痛飲有花為伴非孤斟支頤半醉不成夢恍惚錯
錯供微吟只愁明日便搖落徘徊欲去還重臨會湏
秋風折珠寶當載樽酒相追尋

七言律詩

送焦達夫

戊申

官遊南土侍親闈此日還鄉被綵衣幾度論文方契
合一言語別恐相違長風送棹江聲急落日橫雲鴈
影微水際梅花如舊識冷容對客共依依

贈王斗山

骨肉斯文氣味投春風芹藻憶同遊故人別後無青
眼此日相逢笑白頭匣劍光橫南斗夜鳳梧陰冷現
山秋唯應且試連鰲手未許江干下直鉤

謝趙肅甫遺著

天產瑰奇淮蔡鄉發揮奇數肇羲皇靈龜入地千年
老神艾當陽十尺長遠寄江湖憑驛騎喜歸蓬蓽對

書淋玩占從此無疑事感物思人意不忘

次韻潘明之易巾巾陶思齊所製并戲之

漉酒當年制巧縫雲孫此日藝仍工接羅倒著情猶
適章甫從宜志未窮西漢神仙新事業前唐進士舊
家風自憐短帽無心整鏡裏愁看兩鬢擊

三月十五夜登迎華觀

夜深來此倚闌干千里樓臺俯首看月到中天花影
正露零平地草光寒氣清更覺山川近意遠從知宇
宙寬長嘯一聲雲外落幾家兒女夢初殘

青田大鶴洞

有葉法善試劍石舊有玄鶴巢于上復有青牛在下

埃

榕影扶疎路九回仙家那復著塵埃
山間田在牛終隱石上巢空鶴下來
丹竈無灰惟白草劔鋒有迹自蒼苔
洞中道士今何處三扣雲關杳莫開

放棹行

潮

安溪湖平行棹多黃頭豎兒倚棹歌
梅花照眼送寒色酒暈著臉生春和
炎涼世態翻覆手江水長靜風吹波
出門一笑天萬里白鷗浩蕩如吾何

自飛霞觀登積穀山

癸丑

字

磨崖自古翳苔痕敗葉垂蘿徑可捫
靈運詩存池尚草劉郎仙去洞無門
潮來江闊山風急日落雲橫海

氣昏欲望城中登絕頂腥羶觸目不堪論

自江心回復遊西山

才返中川一棹雲西巖無負此良辰
紫芝峯下長松晚綠野橋邊流水春
竹杖持身行樂客桃花映臉醉歸人
道傍孝子何年墓宿草蕭蕭暗莫塵

西山萬象亭

笑

亂峯盡處接浮雲東望悠悠萬事陳
百里江流縈縞帶滿城居室比魚鱗
野僧倚竹嘯留客山鳥穿林啼喚人
落日亭中一杯酒何年復此對晴春

故宮

六朝城郭渺茫間南國重來築九關空恨赤龍潛越
水祇餘蒼隴對鍾山茂木夾道秋風疾枯柳依墻落
日閑西關歸然尋丈地宮溝偃月共潺湲

九月十七日登清涼寺翠微亭故址

梵宇崢嶸枕石頭倚風極目立荒丘黃花覆地初經
雨白鴈橫雲帶遠秋城郭已非山故在江淮失險水
空流衲僧八十仍多病收淚殷勤說故侯

春夜次韻

鳥 饑鳥驚鵲起南枝夢入槐柯覺亦悲花裏樓臺春到
早竹間窓戶月來遲簞熏翠被爐存火燈落紅星硯

汙池可惜風光半塵土明朝火急報君知
兩部蛙聲似打衙披衣清坐厭紛譁門同靖節日長
閉家近相如意可賒低幕風生翻宿燕小簷雨歇落
輕花玉琴聲斷尋幽夢回首西窓月未斜

送余之問赴烏臺

正伸 江南佳麗萃金陵早歲遊觀壯氣神月旦當年曾許
子平原今日更須人鷹鷂得志三秋翻鴻鴈隨陽萬
里身入手功名便回首白雲深處有鱸蓴

次韻子昭

經德無回貴自持人心未信肯天欺終期辭貨規楊

汗

震未必償金汗不疑弱卉霜零知勁草健翎風薄寄
深枝公庭事簡多休沐舉案同吟四壯詩

次韻王中齋登拱翠樓詩

曾醉危樓坐石坡彈箏擊缶醉婆娑蓬飛已改流年
髻木老猶存舊日柯紅樹參差秋水遠碧山高下夕
陽多此時還縱西風眼共倚闌干起浩歌

秋莫有懷

十二闌干倚翠微露華寒重逼羅衣碧天連水思空
遠衰草滿庭人未歸秋兩樓臺幾寂寞春風院落自
芳菲冥鴻應有青霄侶為隔閑雲尚獨飛

次韻王景元春莫

茂林陰裏據胡床賸喜天然密幄張水覆落花紅浪
遠壑翻秀麥翠雲長春塘絮盡風無力曉樹枝明露
有光隨分眼前生意足對窓野草發幽香

寄許克勤

小窓燈火對絃歌探賸鈞玄義不頗有志定須搏北
海離群應是老西河雲翻兩覆交情薄瀾靡波頑末
學多清夜沉吟正相憶柯山月落碧差峩

七言絕句

即席用蘇世賢韻送郭子昭

嵯 頽

攬轡春風入駿蹄兩堤烟柳護晴溪黃鶯自有留人
意相對殘紅不忍啼
數載燈窓筆硯親往來問字不辭頻于今便有雲泥
隔折柳亭前又送人
落花高下弄菲菲多少離愁付笛吹別後故人休忘
却與君重賦渭城詩

社日

秋豚已脂野鷄肥笑對西風挹酒卮有耳厭聽塵裏
事任教聾聵不須治

哭空谷師

甘棠遺裔繼高陽衣染緇塵樂法王四十七年成大
夢那知今度夢尤長

玄鴈離群得意飛稻梁秋靜羽毛微不知何處逢繒
繳雲冷空江夜不歸
霜入楓林葉已丹風鳴籟動助悲酸山人歸去鶴空
怨清夜月高榕影寒

次韻潘明之秋思

西風冉冉鬢毛侵鳳老梧哀鎖夕陰倚遍闌干重回
首斷鴻千里莫雲深
靈槎夢徹漏聲殘河漢無雲動碧瀾閭闔班齊香案

近天衢月白露華寒

舟中贈璉

行人流水共悠悠
雨洒溪風萬點愁
別棹不來天欲暮
倚絃無語看浮漚

舷

過西湖

不見湖光十五年
滿堤烟雨復乘船
蕩荷岫柳渾依舊
鬢上星星只自憐

夜過黃泥渡

夜深風息水安流
白鴈黃蘆滿眼秋
行李蕭蕭官棹穩
卧看明月過真州

白雲存稿卷之一



